

其實者散而為之

陽實則發散陰實則宜寫故下文云

實其陰陽以別柔剛

陰曰柔陽曰剛

陽病治陰陰病治陽

所謂從陰引陽從陽引陰以右治左以左

治右者也

定其血氣各守其鄉

鄉謂本經之氣位

血實宜決之

交謂決破其血

氣虛宜刺引之

製讀為導導引則氣行條暢○新校正云

按甲乙經製作製字

卷五

五十二

黃帝內經素問補註釋文卷之五

黃帝內經素問補註釋文卷之六七同慎六

唐太僕令唐玄子王冰次註

宋光祿卿直秘閣林億等校正

宋守尚書屯田郎孫兆重改誤

陰陽離合論篇

黃帝問曰余聞天為陽地為陰日為陽月為

陰大小月三百六十日成一歲人亦應之

以四時五行運用於內故人亦應之○新

校正云詳天為陽至成一歲與六節藏象

篇重

今三陰三陽不應陰陽其故何也岐伯對曰

陰陽者數之可十推之可百數之可千推之

可萬萬之大不可勝數然其要一也

一謂離合也雖不可勝數然其要妙以離

合推步悉可知之

天覆地載萬物方生未出地者命曰陰處名

曰陰中之陰

處陰之中故曰陰處形未動出亦是為陰

以陰居陰故曰陰中之陰

則出地者命曰陰中之陽

形動出者是則為陽以陽居陰故曰陰中

之陽

陽子之正陰為之主

陽施正氣萬物方生陰為王待羣形乃立

與子音

故生因春長因夏收因秋藏因冬失常則天

地四塞

春夏為陽故生長也秋冬為陰故收藏也

君失其常道則春不生夏不長秋不收冬

不藏夫如是則四時之氣閉塞陰陽之氣

无所運行矣

陰陽之變其在人者亦數之可數

天地陰陽雖不可勝數在於人形之用者

則數可知之

帝曰願聞三陰三陽之離合也岐伯曰聖人

南面而立前曰廣明後曰大衝

廣大也南方丙丁火位主之陽氣盛明故

曰大明也嚮明治物故聖人南面而立易

曰相見乎離蓋謂此也然在人身中則心

藏在南故謂前曰廣明衝脉在北故謂後

曰大衝然大衝者腎脉與衝脉合而盛大故曰大衝是以下文云

大衝之地名曰少陰

此正明兩脉相合而為表裏也

少陰之上名曰太陽

腎藏為陰勝脫府為陽陰氣在下陽氣在上此為一合之經氣也靈樞經曰足少陰之脉者腎脉也起於小指之下斜趨足心又曰足太陽之脉者勝脫脉也循京骨至小指外則由此故少陰之上名太陽也是以下文曰

太陽根起於至陰結於命門名曰陰中之陽至陰穴名在足小指外側命門者藏精光照之所則兩目也太陽之脉起於目而下至於足故根於指端結於目也靈樞經曰命門者目也此與靈樞義合以太陽居少陰之地故曰陰中之陽○新校正云按素問太陽言根結於經不言結甲乙今具中身而上名曰廣明廣明之下名曰太陰靈樞經曰天為陽地為陰腰以上為天腰

以下為地分身之有則中身之上屬於廣明廣明之下屬太陰也又心廣明藏下則太陰脾藏也

太陰之前名曰陽明

人身之中胃為陽明脉行在脾脉之前脾為太陰脉行於胃脉之後靈樞經曰足太陰之脉者脾脉也起於大指之端循指內側白肉際過核骨後上內踝前廉上膈內循胛骨之後是陽明之脉者胃脉也下膝三寸而別以下入中指外間由此故太陰之前名陽明也是以下文曰

陽明根起於厲兌名曰陰中之陽

厲兌穴名在足大指次指之端以陽明居太陰之前故曰陰中之陽

厥陰之表名曰少陽

人身之中膽少陽脉行肝脉之外外肝厥陰脉行膽脉之位內靈樞經曰足厥陰脉者肝脉也起於足大指聚毛之際上循足跗上廉是少陽之脉者膽脉也循足跗上出小指次指之端由此則厥陰之表名少

陽也故下文曰

少陽根起於竅陰名曰陰中之少陽

竅陰穴名在足小指次指之端以少陽居厥陰之表故曰陰中之少陽

是故三陽之離合也太陽為開陽明為闔少

陽為樞

離謂別離應用合謂配合於陰別離則正位於三陽配合則表裏而為藏府矣開闔樞者言三陽之氣多少不等動用殊也夫開者所以司動靜之基闔者所以執禁固之樞樞者所以主動轉之微由斯殊氣之用故此三變之也○新校正云接九墟太陽為闔陽明為闔少陽為樞故關折則肉節潰緩而暴病起矣故候暴病者取之太陽關折則氣无所止息悖病起故悖者皆

取之陽明樞折則骨搖而不能安於地故骨搖者取之少陽甲乙經同

三經者不得相失也搏而勿浮命曰一陽

三經之至搏擊於手而无輕重之異則正

可謂一陽之氣无復有三陽差降之為用

也持音

帝曰願聞三陰岐伯曰外者為陽內者為陰言三陽為外運之離合三陰為內用之離合也

然則中為陰其衝在下名曰太陰

衝脈在脾之下故言其衝在下也靈樞經曰衝脈者與足少陰之絡皆起於腎下上行者過於胞中由此則其衝之上太陰位也

太陰根起於隱白名曰陰中之陰。隱白穴名在足大指端以太陰居陰故曰陰中之陰。太陰之後名曰少陰

藏位及經脈之次也太陰脾也少陰腎也脾藏之下近後則腎之位也靈樞經曰足太陰之脈起於大指之端循指內之側及上內踝前廉上腓內循胫骨後足少陰之脈起於小指下斜趨是心出於然骨之下循內踝後以上腦內由此則太陰之下名少陰也

少陰根起於涌泉名曰陰中之少陰。涌泉穴名在足心下踰指宛宛中。少陰之前名曰厥陰。亦藏位及經脈之次也少陰腎也厥陰肝也腎藏之前近上則肝之位也靈樞經曰足少陰脈循內踝之後上踰內廉足厥陰脈循足跗上廉去內踝一寸上踝八寸交出太陰之後上膈內由此故少陰之前名厥陰也。厥陰根起於大敦陰之絕陽名曰陰之絕陰。大敦穴名在足大指之端三毛之中也。兩陰相合故曰陰之絕陽厥盡也陰氣至此而盡故名曰陰之絕陰。是故三陰之離合也太陰為開厥陰為闔少陰為樞

同

亦氣之不等也。○新校正云按九墟云關折則倉稟无所輸隔洞者取之太陰屬折則氣施而善悲悲者取之厥陰樞折則脈有所結而不通不通者取之少陰甲乙經

三經者不得相失也搏而勿沉名曰一陰。沉言殊見也陽浮亦然若經氣應至无沉浮之異則悉可謂入陰之氣非復有三陰兼降之殊用也。陰陽衝難積傳為一周氣裏形表而為相成也。衝難言氣之往來積謂積脈之動也傳謂陰陽之氣流傳也夫脈氣往來動而不止積其所動氣血循環應水下二刻而一周於身故曰積傳為一周也然榮衛之氣因息遊布周流形表拒捍虛邪中外主司互相成立故言氣裏形表而為相成也。○新校正云按別本難難作衝衝

黃帝內經素問補註釋文卷之六